

ESTICA
A. 5085

14.

869

2869

GRATULATORIUM.

Επέδειξε Θέος τε καλῶς παρεκάλεσε πάντος
Προσβυτέρους, πᾶσαν ἀγία παρέπενματος ἀντίον.
Την πομπὴν γε δοθεῖσαν παραίνειν κατέβυνον:
Αἴματα τὴν χειρὸς πρώτῳ πέλεσται διασώσων.
Οὐ μὲν τοτε καλῶς πιῶν, πομπὴν πόλιν ὅμητον:
Καὶ σ' αὐτὸν, σὺν τοῖς ἀντεποντοῖς Διορύσασιν
Οὐτως μοι Πατήρ, πίουντος αφεσάγμασι θείοις
Πεπαρχόντι, ἐπεχείρησεν τὸν πάλματος δέσμοντα,
Δένει τοις χειρεσσι, πολυσβότοις ἀκεράτησιν.
Τὴν τι Κατάχησον, μύελον μὲν ἀλήπινον ζόνον:
Παντοῖας δὲ χραφῆς, οὐδὲν ἡμῖν τὴν ψιλάνην,
Γνωστόσαν τὸν ἀρεσκέως, ἐπειφύνοντος οὐθῶς.
Μάνψαλοι σφίσιαν ζητεῖσι παρέχετο Ιησοῦ,
Κόσμον ἐν στιχείοις, περὶ πᾶν μαρφίδιον ἔσιν.
Καὶ Διετέτο Πάτηρ, καταλέπτει πέλμα ματαῖον,
Οὐλὴ δῆδακτη εσφοκαρπόσιν: διὸ σέμιμα
Χεισίδων κλεινόν, τελέως καταλήψεται ὅλβυ.

Suo Reverendissimo, & Chariss. Patri,

Amoris filialis & obsequantis adfectus de-
clarandi ergo, adposuit

LAURENTIUS PAULINUS
Junior, St.

MS[O]S

O R A T I O

De
U S U V E S T I U M R E C T O E T P R A Y O.

10
unad;
PRECATIUNCULA

Universaliter Regis nostri Clementissimi & Regni Sve-
cani incolumentatem, adq; singulorum Christicolarum
necessitatem complectens.

Quorum priorem iussu Reverendissimi Doctoris,
Dn. JOHANNIS RUDEBECKII
Episcopi Arosiensis vigilantissimi, in sacra Synodo
Arosensi decenti solennitate declamavit: po-
steriorum autem è vernacula translatam
sincerâ pietate peroravit.

A D O L P H U S E L A I T E R S E R U S
Lixandensis, t. temp. Sch. Arbog. Rect.

Die Septima Septembribus a. 5. pomeridiana in 6. quā die 5
horā Rex Svecorum divinā gratiā victoriosissimus

Dn. GUSTAVUS ADOLPHUS
cum Cæsarianis juxta Lipsiam dubio primū & infestis-
simō Marte pugnauit tandemq; quod erat reliquum Dicī
instar mori stando Hostem fatigavit, fortiter pu-
gnando lacepsivit, acie vicit, armis, castris
signisq; militaribus exuit, adeq;
rem gessit majoribus geren-
dis auspiciatissimam.

U P S A L I Æ,
Imprimebat ESCHILLUS MATTHIE.

M. D. C. XXXII.

Salutem omniaq; fausta per Christum salvatorem
in primis

Reverendissimo in Christo Patri, Domino
Doct. JOHANNI RUDEBECKIO
Præfuli Diœcœsos Arosiensis fidelissimo, Patrono
& Mæcenati meo optimo

Deinde

Inclytissimæ ejusdem Diœcœsos Reverendis & Clarissimis
Dominis atq; Propositis Vigilantissimis, Fautoribus & pro-
motoribus meis pariter colendis:

Dn. M. Eliæ Arosiensi.	Dn. M. Samueli Tunensi
Dn. M. Petro Arbogensi.	Dn. M. Olao Retticensi
Dn. Achatio Salensi.	Dn. M. Andreæ Hedemor.
Dn. M. Michaeli Muns-	Dn. Thomæ Berckensi
Dn. M. Mathiae copingensi	Dn. N. N. Jrstadiensi.

Deniq;

Singulis innominatis in eadem Diœcœsi pastoribus, Viris
Reverendis, Clarissimis, Doctissimis & Humanissimis,
partim Mæcenatibus & Fautoribus, partim Amicis
& Benefactoribus, eâ quâ par est revo-
rentiâ colendis,

Reverenter & officiose
Precor.

Everende in Christo Præsul, sicut Es-
tos (prefata) S. Sanctæ societatis Viri
Dominiq; Venerandi, quamobrem Ora-
tionem ferè omnium vestrum auribus
ante in novissima Synodo perceperam, nunc
typotum famositate luceq; donare audeā,
præmissa hâc præfatione cunctis, quorum
interest, liquidum fieri volo, quibus causis excitus id fecerim:
nimirum non proprio instinctu ausq; vane laudis affectande
(binc quippe nullius mihi conscius sum) verū studio honoris
Vestri amplificandi: Vocatus ante annum de Illustissima aula
Delagardiana à Reverendo Domino Episcopo ad Scholam Ar-
bogianam, cegebar juxta constitutiones prius in Gymnasio spe-
cimina doctrine deponere, quo perfecto cum Reverendus Do-
minus Episcopus me aulicis quibusdam moribus infectum im-
butumq; videtur, quorum individui indices sunt vestes gravi
cum exhortatione me palam in Consistorio adoravit ut juxta
morem ordinis ineundi vestes componerem; Veruntamen cum
Reverenda sua D:cas agrè me id facturum perspicerat singulari-
arte tardum ad obsequendum aggressa es, sedulio injungens ut
Orationem de luxu vestrum concesserem, contextam publicè in
Synodo pronunciarem: quid stratagema viæ captiōg; facien-
dum fuerat? Nonnulli ibidem Assidentium subriserunt: qua-
re R:dam suam D:tem in Museo conveni rogatum ut ejusdem vi-
tij conscientia aliud Orationis argumentum decerneret, ne alios cor-
rigendo memet ipsum proprio gladio confoderem: tum demum,
remotis arbitris, sua D:cas suam mibi mentem explicituit, id ni-
mirum se fecisse causâ non meâ solius; sed aliorum qui con-
stitu-

dicuntur) aurebus pias serias q̄ admoniciones imbiberunt. Hos quippe publicè in frequentè Sacerdotum coronâ unctionis oratione perstringendos censuit. Illi ut fuit, id tamen singulari arte factum suisse certum est. Quam obrem jam melius sapiens consilium laudo solertia & prudentia plenum, mibi q̄d obsecutus fuerim gratulor. Etenim postquam ruminare capi scripta sacra & profana de eodem arguento agentia, luxum in vestibus deplorandam vanitatem Deoq̄ rem abominabilem esse compere, atq; propterea demirari qid ijs Sacerdosibus in mentem veniat, qui cœn simile in imitandis aliorum ordinum vestibus ad eò obstinati gaudent fimbriatas splendidasq; gestare vesse, dimisus & oblongis palliorum collaribus circumspectari, alijsq; monstruosos modis, qat ordinem veritas simplicitati dicandum devenerant, amiciri.

Atq; propterea Reverendus Dominus Episcopus, censuit ut hac typis prodiret, quo illi, qui aut propter occupationes cum ex Cathedra promulgaretur, absuerunt, aut tunc commode illam non percipientes, nunc divulgatam majori cura & intentione meditentur, monitisq; sani obsecundent.

Deinde Vestrīa Rev. tūt & Clar. bus officiosè in mentem revoco, quanta devotione & pietate die 7. Septemb. ex Synodo demittendi unanimiter ad Deum Ter. Opt. Max: tum communiter pro universa Christianitatis necessitatibus, tum singulariter pro Regis nostri Clementissimi successu & incolumente fundendo preces actum synodalem conclusimus: Omniscius enim atq; omnipresens Deus, cuius in auribus personuerunt ardentes nostrorum preces, fortissimum suum extendit brachium presentissimam ferendo Regi opem eo temporis momento ab Hostibus acerbissimos conflictus sustinent. præsumimus enim ea intentione, quā nos tunc frequentes convenimus eadem die atq; horā etiam vix aquè frequentem secundum coivisse. Unde etiam quod tam clementer audiūsum Exauditori perpetuas gratias

agre-

Agemus, tamen exauditoris memoriā
poris Regis nostri Clementissimi salutem & rerum prosperitatem in posterum Deo commendatam habere non intermitteremus.
Atq; he, ut dixi, cause Domini Reverendi, moverunt Reverendum Dominum Episcopum ut orationem cum precatione conclusoria juri publico darem.

Agemus tan-
torum exaudi-
tionis memo-
ries ubiq; loco
coram etiam
tempore

Singulari autem pietate Vestrīa Rev. tūt & Cl. bus hanc inscribendam volui, ut hoc ipso meum erga vos amorem & perpetuum obsequendi studium pluribus spectatum ficerem: quidam namq; ex Sympatriotis meis multis me devinxerunt beneficijs, quorum nomine merito Reverendo Dn. M. Unoni in Q̄xā and primas defero, quem etiam ob beneficia planè paterna semper loco parentis veneror. Quibusdam autem, quod procul ab eorum conversationibus & usu remotus hactenus degeneram ignotus (quamvis ob prosapiam avitam notissimus) ijs nunc me isti-hoc munuscule literario de nota meliore cognitum iri impensè discipio. Propter merita in Scholas & Ecclesiis viget quippe sancta memoria Patri mei sicut & utriusq; Avi paterni & materni B. mem. Dn. Engelberti in Lixand & Dn. Danielis in Wq̄ta; sig. Ego aliquando pari ratione patrissem patriaq; proficuus evadam post Deum unicè id totum Reverendo meo Episcopo acceptum referendum puto. Vestrū erit Domini Reverendi, Clarissimi, Doctissimi & Humanissimi tyrocinio huic save-re, quod si comperero cum Deo gnauus & assiduus efficiam ut brevi aliud ingenij specimen hoc longè elaboratus Scholusq; Svecanis utilius videatis. Dabam Arosie die 23. Martij Anno

parte per Chriſtum salutis 1632.

Ad debitam Reverentiam studia & obsequia
promptissimus

Adolphus Elai Terserus
Lixandensis, Sch. Aros.
Rector.

ORATIO IPSA.

A literis
synodi-
cis exors-
dium pe-
titum.

Dux cau-
se indi-
cendarū
synodo-
rum

I.
Exerci-
tia pole-
mica.

Dicitur. In literis Synodis non ita pridem ad singulos Ecclesiarum bujus Dioce- seos Antistites emissis prolixè et perspicue insinuatum est (in primis Reverendissime in Christo Pater, praesul bujus catus Ecclesiastici vi- gilantissime, Mæcenas studiorum meorum omni obser- vanti cultive honoris ævum colende, sicut et Tu fre- quentissima Reverendorum, Nobilissimorum, Claris- simorum, spectatissimorum et literatissimorum Au- ditorum corona) in illis, in quam, literis clare indi- tatum est, duas esse gravissimas causas, quamobrem ab Ecclesiarum praesulibus indicantur et decernantur an- niversariæ synodi: nimis primò ut in inclytâ ad ma- gnum numerum virorum doctrinâ et pietate conspicu- orum frequentiâ exemplo antiquioris Ecclesiae, pijs et sobrijs sententiarum collationibus veritas cœlestis, in- dagetur, dogmata religionis à sophistificationibus, tricis et technis Hæreticorum vindicentur, quo deniq; u- niusquisq; cui spiritualis ovium pastura commissa est in fidei Christianæ catholica veritate stabilitus et con- firma-

firmatus verbum Domini in Ecclesia sincerum et in corruptum fideliter doceat atque proponat. Alteram causam convocandarum Synodorum meminerunt fuis- se hanc: nempe ut vitâ sacerdotali correcta et men- data, vitiæ et mali mores, qui ordinem Ecclesiasticum obfuscant, eumque alijs sordescere faciunt tollantur et eradicentur: contra, antiqua virtus boni mores pri- stinae simplicitati et nitori restituantur.

Horum prius exercitijs polemicis per triduum continuatis feliciter perfectum et continuatum est: utique jam postulat institutum ut ad alterum actionum synodarum caput transitum faciamus: quod, (ut di- xi) erat de exagitandis Sacerdotum vitijs. Idque mu- neris cum à venerando Consistorio mihi, quippe juve- ni divinâ providentiâ ab Aula non ita pridem in ordi- nem bunc ascito impositum est ut bujus causa in Reve- rendissimo hoc concessu preaco exsigerem, Vestras Re- verentias et Claves, habito deinde respectu et decore singulorum presentium, demisse et reverenter roga- tas volo, ne quacunq; de causa mihi succenseatis; mate- riæ equidem huic dextre enarrandæ, utpote experien- tiæ et prudentie singulariter individuae, meritò vir annis canisq; gravis fuisset præficiendus; nihilominus ne honestum officium insulsus renuere videar, quæso pro solita Vesta humanitate et benevolentia aures mihi aquas et benignas per semiboram prebeatis.

Dictu-

2. Emen-
datio ne-
rum

Quorum
priori
perfectio
recte tra-
stur ad
alterum,

Excusa-
tio lo-
per sona
dicentis

2. A rei
dicende
gravitate

Exordij
epilogus.

Eusebea.
tur mate-
ria orati-
onis.

Dicitur Nobis, Auditores Reverendi, de vitijs, quibus contaminatur, & consequenter de virtutibus, quibus exornatur Minister, præcognoscendum est non esse animum ex professo nunc omnis generis vitia & virtutes considerare: quales in primis sunt Pietas, Fides, Spes, Patientia, studium, Charitas, benignitas, mansuetudo, modestia, continentia:

Quæ vir-
tutes in
univer-
sum os-
sanibus
homini-
bus com-
mendan-
dæ.

Peculi-
giter 6.
virtutes
verbi Mi-
nistri ne-
cessariae.

De earū
tertia sci-
licet or-
natu e-
jusq; con-
trario hac
hora dicē-
dum.

Quas Paulus Gal. 5. Fructus spiritus appellat, et si enim Ministrum, quod typus fidelium sit, omnibus virtutum stellis radiare oporteat; hic tamen non agimus de ijs, quas cum alijs multis communes habet; sed quæ ratione ministerij sui peculiariter ei sunt necessariae: quarum sex recenset Paulus in Epist. priori ad Tim. 3. & verbi Ministris commendat: nempe prudentiam, modestiam, ornatum, hospitalitatem, avaritiam, cui contraria avaritia, & pacem seu concordiam: sine hisce namq; quam creberrime impingit concionator. De hisce iterum ex aequo sufficienter & perfectè dicendo agere vetat ratio temporis: Quare de harum tertia hora dicitur Ornatum nimis, qualem Ministros deceat, eaq; occasione de abuso & luxu vestium juxta tenorem constitutionum Ecclesiasticarum in Articulo 25. Nobis præfiguratum hæc horæ dicendum erit.

Luxus ve-
stium ho-
die latè
diffusus.

Verum enim vero quoniam hujus vitijs morbus sui contagione cunctos generis humani status & ordines pervaserat inficeratq; pauca in communis de causis, natu-

natura & fine vestium nobis prælibanda sunt, ante quam orationem ad specialem personarum statum perstringamus: binc labor dicenti ad explicandum non tam molestus, nec Auditorio res perceptu tam difficilis futura.

Nominis Etymon, quod attinet, Vestis videtur graeca esse dictio, idem quod ἡτος ητος. Vestem autem juris consulti definiunt esse quicquid induendi, præeingendi, amiciendi, insternandi, tegendi gratiâ paratum est. Quamvis recentis modis procul dubio turpis regnat luxus; disserturi tamen Nos de abuso vestium nomen in ista generali significatione non acceptamus: alias porro vestis dicitur vel à vestiendo, quod corpus contra tempestatum vim vestiat, i.e. tueatur & munit, alias à velando, docente Varrone, dicitur, quod corporis nuditatem velet, id est, operiat atq; tegat, quæ vocis significatio, si primum vestium finem respiciamus magis congruit: Prima namq; o- mnium nostrum parens statim ut vetita concupiscendo exorbitaverat, justitia, sanctimonie & partium cunctarum harmoniae & amabilitati successere prævi inordinatus affectus. Atq; hinc illa erroris sibi conscientia, legitur in historia creationis præ pudore frondes arborum velandi, id est, tegendi nudi corporis causa legisse. Utique si penitus originem vestium indagare velimus quis non deprehendet eas ortum traxisse ex transgres-

Vestis
Etymon.

causa usq;
vestium.

et

et

et

et

et

B

sione

sione primorum parentum in Paradiso? Quod sane
pij cordatiq; Doctores ex cap. 3. Gen. observarunt; ubi
legitur D E U S fecisse A D Æ S E V Æ veste pel-
licans, ut per illum habitum ceu signum abundè conspi-
cerent suam fœditatem atq; ita semper mali voluntarie
acquisiti reminiscerentur.

De vesti-
bus non
glorian-
dum.

Simile.

Contem-
plus Dei

Bellum
quomodo
naturæ
inferatur.

Utilis in
commu-
ni admo-
nitio.

sane factio Deum
Ad æ posteris exemplum intuendum proposuisse haud
obscurum est, ne quis suis de vestibus gloriaretur. In
hanc quoq; sententiam similitè docuit Divus Bern-
hardus, inquiens: Qui gloriatur de veste similis est
furi, qui ob cauterium, sive funem collo alligatum
superbit, nam vester est signum & poena reatus.
Quod meritò delicatis in mentem venire deberet, qui-
bus nullus videtur esse ornatus nisi qui luxu diffluat; ubi
namq; curiosè quis appetit immodicam in vestibus ele-
gantiam & splendorem hic non tantum contemnit Au-
thorem, qui vestitum mortalibus reliquit insigne vere-
cundiae, sed bello quodammodo impedit naturam. Per
magni equidem fuerit ad correctionem momenti, at-
tentâ memoria ponderare, amissâ puritate & innocen-
tiâ, qualis nuditas ex transgressione primæ vas sub ve-
stibus nostris licet pretiosissimis in nobis propagata la-
teat: tunc certè melius sapientes homines magno studio
exteriores fastus, insolentie superbiæq; vanitates post-
ponerent, quò firmius ad interiorum virtutum cultu-
nam conniti valerent. De quo divi Ambrosij pia ista

mamitio.

mo-

monstratio
in vestiis
naturæ
q; omnia
mnes pauperes generat: neq; enim vestimentis in-
sidiuti nascimur, nec cum auro argento generamur,
nudos fudit in lucem terra, egentes cibo, potu, a-
mictu; nudos recipit terra quos edidit, nesciens
fines possessionum. Idemq; alibi: audi inquit, omnes
nascimur & morimur nudi, nulla distinctio inter ca-
davera mortuorum; nisi forte quia gravius fætent
corpora divitum distenta luxurie. Pudebit pro-
fectio exterioris cultus quoties quid eotegatur cogita-
mus: Insana enim ambitio est simum tegere pur-
purâ, significative inquit Fransiscus Petrarcha. Et qui
plus nimis opera impendunt corporibus suis ut exqui-
sitissimè induantur, similes sunt illis, qui pallidū cada-
ver in feretro aureo ponunt, illudq; gemmis ostroq; cir-
cūdant. Qui hic, quæso, ornatus nonne horrendus &
monstruosus? Sed quid hæc ad me, inquieris, si cadaver
ita ornatum abominabile foret visu? Respondeo: ne
quis ad injuriam trahat quod vivū cum cadavere com-
paraverim, origo nominis inquirenda erit: cadaver
dicitur à cadendo, cur non itaq; sicuti mortuum, ita vi-
vum dicatur cadaver, repugnantiam video nullam;
quippe mortuum jam cecidit, vivum autem casurum
est, atq; crescentibus annis continuò cadimus.

Ex dictis, Auditores lectissimi, constat, prima-
rium vestium finem esse velaturam nuditatis, quam us
vestiū finis.

B. 2

Deus

*secunda-
rins finis
multi-
plex*
deus in signum sancto:
*venecun*l*di*q*
pp*intus d*et
te*s*cens pec-
catum*

peccatum tegi abscondiq voluit; hic tamen finis non excludit secundarium, utpote qui consistit in decoro

Iste Decor annotante Baldvino, apparet. 1. in necessitate: Sicut namq; nec sitatis causa ad inadvertentia sunt ædes & domicilia ut sub illis homines à tempestatibus tuti degerent: ita vestimenta eadem de causa confecta sunt ut corpora mortalium contra injurias caloris & frigoris muniantur. Postea autem quicquid extra adjectum sit, luxus & abusus censendum est.

2. Honestate, ut (sicut antea dictum est) tegatur nudicorporis deformitas, quæ secuta est peccatum.
3. Frugalitate, quâ vestitus esse debet juxta proportionem quantitatum, id est, facultatum, ne scilicet operiosius & sumptuosius induamur quam facultatibus simus solvendo.
4. Spectatur ille Decor in distinctione personarum i. e. sexus, etatis, officiorum, temporum, & actionum: nam aliis habitus virum, aliis fœminam, aliis magistratum, aliis subditum, aliis senem, aliis juvenem decet.

*Quomo-
do ex re-
cto vesti-
bus usu si-
at abu-
sus,*
Cum itaq; de luxu vestium sermosit, non inconveniens hic erit vice versa modos recensere quomodo in vestibus à recto fine usq; exorbitetur ut fiat abusus: Abutuntur homines vestibus multifariam; notorie a: exorbitatio illa definitur partim in torio superfluitatem

perfluitate, partim in Novitate & Varietate, partim etiam in Neglectu Conditionis & Ordinis nostri consistere. hic etiam palam fiet in Vestibus excessum rem esse Deo abominabilem atq; generibumanō maxime perniciosa*m*...

Primò namq; luxus hic primæva ordinationi divine contrariatur: Deus enim justissimus vindex peccatorum primos parentes turpi infamia patrati fascinoris multatatus Vestes pelliceas ceu notam reatus fecisse, easq; ipsis loco unquam primævi lapsus induisse legitur: Seculo autem nostro quid frequentius & usitatus quam pelles istas serico & purpurâ obducere, argento, auro, gemmisq; pretiosis tegere atq; sic Deum in faciem spuere! Hinc accelerari Deum ad iram, ut varijs supplicij genus humanum plectat cognitis sacris scripturis neminem potest latere: in primis comminatio illa gravissima, quæ Esa. 3: exstat, cunctisq; præcepti istius transgressoribus prostat, nemini nostrum potest esse incognita: Sic enim ibi per Prophetam minatur Dominus filiabus Hierusalem: De calvabit Dominus verticem filiarum Zion, & Dominus carnem earum nudabit, in die illa auferet Dominus ornamenta calceamentorum, & lunulas & torque, & monilia & armillas & mitras & discriminalia & periscelidas, & murenas, & olfa-

*Contrari-
stetur ordi-
nationi
Dei,*

*Accor-
dit Deum
ad iram*

Esa. 3.

^{te pendentes. Divitem etiam Epulonem à Chri-}
^{sto reprehensum fuisse quod se quotidie indueret}
^{purpura & byssō docet nos historia Evangelica, Luc.}
^{26. Et Matth. 6. Etiā nimiam curam de excolendo cor-}
^{pore vestibus gentilium idolatriæ insimulat Salvator}
^{præcipiens: nolite solicii esse, dicentes: quid mandu-}
^{cabimus aut quid bibemus aut quo operiemur? hæc}
^{enim omnia Gentes inquirunt. Nos vero Auditores}
^{Christiani Gentibus, sive Ethnicis nihil cedimus, imo}
^{longè illos luxu omnigeno superamus: Ubi namq. Ma-}
^{jores nostri, procul dubio non ita atq. nos scientia cœ-}
^{lesti imbuti, contenti erant vestibus domesticis ab uxo-}
^{re, filiabus & ancillis elaboratis; nos delicatarum}
^{vestium cumulandarum gratia montes & maria per-}
^{agramus: Ubi Majores nostri domesticis in ijs confi-}
^{ciendis utebantur; nos (ut jure cum Petrarcha de no-}
^{stri seculi hominibus querar) disunctissimas fatiga-}
^{mus gentes. Nobisne nent, nobisne peclunt, nobisne}
^{texunt Belgæ? Nobisne Perses, nobisne Seres, nobis-}
^{ne jndi, nobisne Tyrius Murex natat? Nobisne fra-}
^{grans bacca hispidis pendet arbusculis? Nobisne o-}
^{ves albicant Britannicæ? Nobisne jndica sandix ru-}
^{bet? Uterq. ne Nobis sudat Oceanus? Non est nunc}
^{Nobis locus Auditores recensere omnia Vestium ge-}
^{nera, quibas membra corporis à capite ad calcem usq.}

^{infinita}
^{vestium}
^{genera.}

^{CX-}

expoliuntur: tantum causas videre licet, quamobrem
in hoc corrupto seculo viventes fortunis infinitis ^{Causa}
modis atq. majores nostri facti simus egentissimi: illi pauperes
etenim omnium rerum copia affluentes simpliciter de- ^{tis in pa-}
corè & frugaliter induebantur: nos vero infinitis pe- ^{tria.}
nè tributis & censibus gravati pressiq., prætere a fa-
cultatibus ferè omnibus exhausti, modum, decorum &
mensuram nescimus nos vestiendi: Miram sanè, quò ^{stolidi}
magis ad versis & inopia rerum premimur, eò magis ^{homines}
luxu diffluimus, necdum sisit illud malum, sed indies
serpens crescit & variatur insania. In annalibus sere-
nissimæ & nunquam intermorituræ memoriae Regis
Gustavi ejus nominis primi Gens Dalecarlica, cum ^{Postula-}
juxta fretum Brunbeck cum Rege de pace transige- ^{tum Dal}
ret, legitur Regijs legatis inter alia postulatum haud ^{carlorum}
temerè repudiandum proposuisse, ne Rex satellites & ^{ad Gusta}
aulicos suos novo & insolito vestium cultu amiciri ^{vum I.R.}
pateretur: Prob Deum immortalem, si nunc gentem ^{S.}
illam sanctam, redivivā videremus, quam lamentabi-
liter illa vicem nostram defleret, quam acerbè visis
bisce humana effigie beluis, ferino animo, perigrina-
lingua, barbarico habitu, compto fæmineam ad molli-
tiem capillo, moribus ad aprinam duritiem horridis
atq. incultis: quam acerbè, inquam, ludibria hæc ha-
bituum externalorum, quos Nobis ab extremis mundi
finibus furibunda præsens aetas invexit, oderit atq.
^{Exclama}
^{tio.}
^{execra-}

Leges vestiarie ab regata. execraretur. Antiquitus fuere p[ro]ij cordatiq[ue] Magistratus, qui leges vestiarie[rum] & sumptuaria[rum] promulgaver[er]e, deg[re]s earum transgressoribus poenam multamq[ue] sumdere, nunc nescio quā eorum conniventia in corrigendo hoc vitio prodigalitatis & luxuria[rum] insanis subditorum eo usq[ue] crevit, ut inter Regem & subditum, inter nobilem & civem, inter senatorem & minimum, inter sacerdotem & aurigam, inter studiosum & militem gloriosum, matronam & scortum monstruosum adeo parum intersit aspectu. Ideo ut modo dixi, nisi resipuerimus experiemur Deum bujus peccati vindicem & ultorem praesentissimum.

Neglectus animi. Deinde negligere eos curam animi, qui excolendis corporibus suis plus satis opera impendunt præterquam quod testatur experientia, sanctorum id ipsum quoq[ue] evincunt testimonia: quantò enim amplius corpus propter vanam gloriam componitur atq[ue] ornatur, tanto interius anima foedatur & sordidatur: non enim ita curaretur corporis cultus, verè inquit Bernardus, nisi prius neglecta fuisset mens inulta virtutibus. In eandem sententiam docet Sypr: lib. de habitu Virg: Serico & purpurā induitæ Christum induere non possunt; auro enim margaritis & monilibus adornatæ ornamenta cordis & pectoris perdidierunt. Usq[ue] adeò difficile est corpus simul concreto & animum virtutibus excolere.

Ut

Discriminatum sublatum. Ut autem in gratiam Reverendi Auditorij prolixam dicendi materiam ad compendium referam, dicam paucis ex Baldvino quantorū malorum fons & origo sit luxuriari vestibus: Luxus enim vestium in alijs pravam de nobis suspicionem excitat, sumptibus inutiliter profundit, impedit misericordiam erga pauperes, juxta veriloquium illud Bernb: Inveniunt curiosi quō delectentur & non inveniunt miseri quō sustententur. Ius super superbiam arguit, quæ individuus presumit esse comes splendide vestitorum. Demonstratum est satis superq[ue] Auditores Reverendi luxum in vestitu valde Deo esse abominabilem hominibusq[ue] maximè perniciosem: quibus probè consideratis, tum quemlibet ita corpus suum ornare, ne peccata cumulet; tum verò unicè verbi Dei Ministros, quippe quorum lux corā hominibus lucere debet jubente Salvatore Matth. 5. hoc ipsum considerare oportet. Ad quos nunc presertim orationis meæ dela in-
Admonitio generalis & specialis. tenduntur.

Quaris forte Auditor optime, utrum Verbi Minister uti teneatur peculiari vestitu ab aliorum hominum ordinibus distincto? Respondeo quod debet: Deus enim voluit esse discrimina officiorum in genere humano, ita etiā vestium discrimina voluisse eundem certum est. Vesses namq[ue] nihil aliud sunt, quam ejusmodi corporis tegumenta, quæ simul esse deberent Symbo-

C

Ium

Queritur utrum nec esset sacerdos peculiares habebit vestes.

Chiesa malorum.

Novus status.

Affirmatur firmatur.

turn ejus status in quem quisq; collocatus est. Quod autem Deus ecclesiastico statui peculiarem attribueris vestitum abudè ex multis scriptura locis probari potest: in primis autem ex cap. 28. Exod: & Deut. 22. Venerandæ etiam & sapienti antiquitati placuit ut Ministri Ecclesiae peculiares haberent vestes; non enim horificum, immo stultum & profanum esset, si ordo sanctitati addictus mercatorum aut militum more incederet, quò risum præberet spectantibus.

Constit: Eccles.
Articulus 25. reci-
tatur.

Quibus denig; authoritas & vigor constitutio-
num nostrarum Ecclesiasticarum accedit, sancientes ut
modum & formam in vestibus servemus, quibus etiam
morem ut geramus convenit. Eas autem ut à verbo
ad verbum sonant ex artic: 25 apponere non pigebit:
På thet at Prästekapet medh theras flätig förmönningar
må någhot hoos. Åhörarnar kunnna vhråtta til at affästa
henn skadeliga och förachteliche klädebonat som nu tagher
öfuerhanden och Gudh flagher hoos Eliaim öfuer them
som okyshete och högsård upväckie: skolePresterne medh
theras Hustrur oc Barn / såsom och Skolemästare och
Dieknar sly lättferdigheet vthi klöderne medh Sjudentygh/
medh stora upwelne Mössor / Sammeh armar / Täckor och
tröhor medh många Snöter och Silffuer knappar besatte/
Wjeda Fransöske brackor / holskooor / stoore vhpussade
Skortekraghar eller slättekragar på Hällendz wjs medh
remmar wjdhbundne / Hoffmans hattar. Item at the idc
båra Sammeh gatubodhar på ryggien medh stoore och wjs
dhe vhlslagne kappelragar / såsom ey bruksa vplignat och
bignat förlänge häär / och andra högsårdige och wanstape-
lige klädhe dräcker och åthåffvor.

Cupis

Cupis tibi auditor demonstrari sive articulum quib;

Cupis Tibi, Auditor, demonstrari sive articulum quibus ille rationibus sibi constet, & num quæ hic san-
ciuntur aqua & toleranda sint, ita ut per omnia ab Ec-
clesie Ministris, ijsq; qui ad sacrum aspirant ministe-
rium, necessariò observanda sint? Resp. Quamvis
leges & statuta Majorum tantæ autoritatis esse ba-
beriq; soleant, ut nulla egeant demonstratione; in gra-
tiam tamen tua, Auditor, dubitationes, tacitasq; ob-
jectiones excipiam atq; articulum obiter & per partes
non demonstrabo, verum suis exemplis explanabo: idq;
et si nonnihil onerosum, haud tamen gravatum sum fa-
cturus. Utq; vestiaria Regula generalis hac esto:
Distingvantur vestitus inter homines, ut sexus, con-
ditio & status dignoscantur. Si isthac Regula in u-
niversum omnes status & ordines obligat (quod ex
præmissis modo probatum satis erat) utq; etiam sua
universalitate ad obedientiæ sacerdotem obligabit. id
quod jam ultra dabo probatum.: Quia domus Epi-
scopi & conversatio cleri quasi in speculo posita (do-
cente August:) magistra est publicæ disciplinæ, quic-
quid enim is fecerit, id sibi omnes faciendum pu-
tant. Et cum Clerici voluptatibus inserviunt, se-
cularibus lascivie frœna laxantur, non minus vcrè
quam sapienter inquit Bernb: validiora namq; sunt ex-
empla quam verba, pleniusq; opere docetur quam voce.
Itaq; juxta articulum, Concionator, qui populum de-

C 2

vitan-

articuli dialogi-
cum.
Auditor
dubitare.

Regula
vestiaria

Argumen-
tatur a
minor
ad majus

Docens
exemplo
præbit
docen-
dos.

gratia quicquid docet, Et ipse prior vi-
vitando lxxii vum doctrinæ sua exemplar non præbet, non tantum
nihil edificat docendo; Sed insuper præ Auditoribus
gravissimè reum se reddit vindictæ divina; omne
etenim animi vitium (inquit juvenalis) tanto in se
conspectius ctimen habet, quanto major, qui pec-
cat, habetur. Atq; sic trito huic obnoxium fiet: Tur-
pe est Doctori dum culpa redarguit ipsum. Pro-
inde etiam Paul. suum monet Timotheum ut exemplo
sit fidelium non tantum in verbo, sed & in conversa-
tione. similiter Tit. suum hortatur dicens: in omni-
bus præbe te exemplum bonorum operum in do-
ctrina, in integritate & gravitate. Gravitas autem
illa cum maxime spectetur in sermone, actionibus
& vestitu opera pretium est, si quid in doctrina pro-
ficere velit verbi Minister. Studeat modo quod dictum
est gravitati. Merito itaq; binc queris, Auditor, quo-
modo componatur Vestis ut gravitatem representet?
Respondeo gravis tunc censetur vestis si superflui-
tas & stulta vaneglia vitetur: Secundo si cuiusq;
conditio & vitae genus, quod etiam Deus vestium
diversitate voluit esse distinctum observetur. Semper
quippe cogitandum est vestes morum esse indices jux-
ta illud Sirac: amictus corporis & risus dentium &
ingressus hominis enunciant de eo: Præterea ut gra-
vis sit vestis, neve quid lascivia; fastus, luxus aut no-
vitatis præferat, non debet in libertate brevium vita-
- differtas

Turpe
quid Do-
ctori.

Gravitas
quid.

vitatis præferat, non debet esse differtas
dissectas namq; breves & solutas amare vestes, vereor gravis
ne sit hominum dissolutas & dissectas mentes possi-
dendum; decurtagravitas & breves vestes potius mi-
litent quam Sacerdotem decent, vel bos, qui Regibus
solent esse à pedibus.

Fortassis, quantum ex oculis Auditoris auguror, Auditor
ioco seria
instat
querend
do.
conceptis quæstionibus parturire mihi videtur, quo
fit quod ægræ in obedientiam recensiti nuper articuli
consentire appareat: quocirca minutula cum summis
ex articulo isto recoquas licet mecum querendo Audi-
tor: ego quo reddam perfectum, quod modo promise-
ram pro adstruenda veritate articulo nostro rationibus
quibuscunq; contradictionum tuarum nervos infrin-
gam, evellam, elidam.: Queris quid de magnis &
tumentibus collaribus sentiam? Respond. Indicant
intus tumidum, inflatum & tumentem animum..
Ecquid de fenestratis calceis? Resp. Stultum judi-
co, qui cum ejusmodi ingreditur in luto. Liceatne
ergo Sacerdoti ocreatum incedere? Resp. Non nisi
eques fuerit aut pedes in luto; aliás vel Rusticum
vel Nobilem hoc sapit. Ecquid fers judicij de pileis,
quitanijs, rosis & redimiculis admirabiles apparent? C 3
Resp. Ornatus est levis & puerilis. Vincula illa
calceorum & collarium serica, rubra, flava, viridia
vel cœrulea ecquid approbas? Resp. Delicatorum ju-
venum

gularum fibularumq; agmine longo & transverso fers
dictarū affectū sūnt? Res. Histrionum vanorum
sunt. Quid de la-
gulari.

gularum fibularumq; agmine longo & transverso fers
judicij? ecquorum illa sunt? Res. Histrionum vanorum
vanitatem deridentium At quales capillos ad numeros
ordinantes plicantesq; ? R. Uno verbo: effeminati
Puellis placere gestientes. At comam nimium nutri-
entes? Resp. Pigri, somniculosi, pediculosi, suiq; ne-
gligentes. At fimbriatae vestes, multum ne adferunt
ornamenti & decoris? Resp. Verius dixeris: inutilita-
tis plurimum & profanationis. Indulgebiturne
buicce ordini mollibus (puta cuiuslibet generis sericis)
indui vestimentis? Resp. Neutquam: Salvator enim
noster visuros mollibus vestimentis indutos in Regum
aulas alegandos vult, Matth. 11. encorio autem
Jobannis, utpote speculum sanctissimae vitae nobis ad i-
mitationem præbentis, simplicitatis & frugalitatis
admonemur à Christo ibidem vers: 8. Miror tandem,
quid de palliorum collaribus laxis & demissis, que in
artic: Sammez gatubodar nuncupantur? Res. Con-
veniunt rebus nomina sèpè suis. Cedò ecquid in ta-
bernis istis prostat venale? Resp. Prostat ibi virtus
& honor: imò prostituantur ibi ambo. Dicit ve-
rum? Resp. Ita certissime est. Ecquid æris & mo-
netæ genus, hic mercatorum vanissimus lucrat? Res.
risus, cachinnos, imò ob vanitatum vanitatem i-
psos fletus. Sane miseret & piget me bujusmodi mer-
caturæ? Res. me quoq;

Sed

Sed tandem ut ioco-serias quæsiunculas
tam, Auditor, a me queris, qui, quibusq; notis
commendatur vestis sacerdotalis? R. si nimirum sibi
coharet corpus undiquaq; tegat, si femoralia popli-
tes tegant, si pallium & tunica infra genua non nihil
demittantur. Sed quid opus, inquis, illis laxis & ob-
longis syrmatis, quibus humus verritur pulverumq;
nubes excitatur, nonne satius esset ad morem aulico-
rum se accommodare & minori æris cum dispendio una
uti tunica, eaq; decurtata & brevi? vel si hoc genus
& hanc formam vestis probare incipient populares
mei, eaq; ob commoditatem mihi arrideat, nonne præ-
staret ea uti, & ad consuetudinem eorum morem
accommadare meum? quod nisi fecero, ea res me ma-
xime reddit invisum, & omnium in me oculos cum
odio & risu velut in monstrum quoddam prodigiumq;
convertit? Res. Hec mentis agitatio, Auditor lectissime,
multos suspensos tenuit, atq; etiamnum tenet ut
ordinem Ecclesiasticum agrè amplectantur, imò effi-
cit interdum tantum ut penitus eum ordinem fastidi-
ant. His temerè sanè suæ consulunt saluti, dum ob exter-
nam speciem postponunt, imò fastidiunt vitæ Salvatoris.
Taliū quippe animus ineptis affectibus ab imitatio-
ne Christi abducitur, cujus vestis fuit simplicissima &
non nisi gemina: Una interior & vocatur chitw, lati-
ne tunica, altera exterior ipsa, latine toga seu pal-
lium

Cur hic
status à
terra fi-
liis de-
spiciatur
habeatur

Tedium
vita Chri-
sti.

Vestis
Christi

sum.
lum. dicta.
malunt

...mūcia. vīlatūt tales non Christi; sed magnæ illius
meretricis esse imitatores, quæ legitur circumdata
purpura & coccino, & inaurata auro, & lapide pre-
tioso, & margaritis. Apoc. 17.

Pergatio
Audire-
vis.

Vir frugi-
quis.

Uxorū
Chriana-
rum orna-
mentum
optimum
quale si

Apothe-
ca Apo-
tolica.

Quorsum hæc vergit, inquis Auditor, quem no-
strum ferit oratio in veltiva? nonne palliatus? nonne
tunicatus incedo simplici & non magni æstimatæ utens
veste? Resp. non sufficit, ô Auditor, frugi hominem
& virum te esse, nisi & conjugem & liberos intra
eosdem frugalitatis limites contineas: luxuries enim
illa, quæ in te occultatur, in conjuge, ebulliens quasi, e-
rumpit. Et præsumeris qui vir sis fæminam habens
luxui deditam. Uxor autem tunc satis ornata cense-
tur, si marito, utpote capiti suo placeat. Cum tamen fæ-
mina in vestibus & ornamentis comparandis maritis
plerumq; sint curiosiores; immo quadam reperiuntur,
qua non tantum in singulos dies vestes habent permu-
tatorias; verum etiam una vice corpus sum multipli-
citas vestibus ita gravant, ut aliquando vix ferendo
esse valeant: tales, inquam, attendant, quæ vir ille
Sanctus Tertulianus fæminis Christianis præscribat
ornamenta: Prodite, inquit, vos fæminæ Christianæ
de apotheca Apostolorum sumentes de simplici-
tate candorem, de pudicitia ruborem, depingite
oculos verecundiâ & spiritus taciturnitate, inse-
rentes in aures sermonem Dei, annexentes cervici-
cibis tuipm Christi. Capit Maritis labycite, et se bus
tis ornatoꝝ

80
tis ornatæ eritis, manus lanis occupate, pedes do-
mi figite, vestite vos serico probitatis, byssino san-
ctitatis, purpurâ pudicitiae. Taliter pigmentatæ
Christum habebitis sponsum & Amatorem.

Discussis abstensisq; hoc patto, Auditor, dubitatio-
num tuarum nebulis, ecce Articulo nostro sua sibi autho-
ritas constat, persistatq; perpetuò illæsa & inconcussa
authentica ejus veritas. Qui si intentum finem or-
tumq; haberet ridiculum & inanem (etsi gravissime
admonemur, ut cum timore subjectione præstemus
Dominis, non solum bonis & humanis, verum etiam
pravis, i. Pet, 2.) levius esset causa basitandi, regerendi,
tergiversandi, renuendi, contradicendi: Verum ex
prius probatis cum certum sit de autoritate hujus arti-
culi divinâ & humana (nempe Reverendum Domi-
num Episcopū hunc condidisse, conditumq; in codicem
legum Ecclesiasticarum retulisse, divinitus ad hoc fa-
ciendum excitatum) Tu quis es, qui adeò immorigeris
eum, contrariè vivendo, impugnare labefactareq;
audeas?

Fidem promissi servaturus justo prolixior expla-
nando articulo nostro immoratus sum; ne a. præcepta le-
gum nostrarū omnigenæ rigiditatis accusentur; ita à
nobis temperentur: ecce, honestas, bonas, exquisitas,
& decoras vestes in quoconq; vitæ genere non culpa-
mg. sed falso scadeng. in D laudamq; et lmus,
commendamq;

Adfra-
it ut A-
ticulo
authoris
tas.

Perfir-
guncur-
contum-
ces.

Riger
præce-
ptoriū ex
plicatio-
nibus
mitiga-
eur.

Bona

Res quā
tationes
laudan
dū.

damus; bisce nihilominus observandis: Primo, nimirum ut quisq; consideret quā fortunā, quā conditione, & statu sit: etenim Nobili genere natos, beneq; nummatos, ac magistratum gerentes ornatus decet exquisitior ac delicatior: pauperes ignotos, obscuros, terraq; filios simplicior, nec magno impendio comparatus. Quapropter Reges, Principes, Comites, Dynastæ Attalicis, aurove intertextis, Phrygianis & conchyliatis vestibus utantur. Viri sanguine illustres, Barones, Senatores Regni, qui summam gerunt Rempub. Generales exercituum Duces, Rectores provinciarum & urbium, Duces Militum inferiores, & cujuscunq; fuerint eminentioris ordinis homines sericis, undulatis, damascenis, bolofericis, atq; etiam purpuratis seu ostrinis cooperiantur. Locupletes quoq; ci-vium pro pecuniarum suarum quantitate atq; officiorum & honorum qualitate pannis induantur, lineis & laniis, carbasinis, byssinis, bombycinis & pellibus laboratis vulpium, alcium, luporum, cervorum, caprorum, mustelarum domesticarum, aliorumq; animalium, atq; è peregrinis etiā regionibus allatis corijs & pellibus, unde sibthoraces, scortea colobia, capitia hycmalia & alia, quæ libuerit. Pannis & pellibus hujus generis, ast colore nigris, sacerdotes quoq; amiciuntur. Iste enim color à sapiente gravidq; antiquitate habi-

Nigredo
colorum
apris
mus gra
vitati.

habitus est, atq; etiamnum habetur aspectu constantissimus, gravissimus; Tempore verò aestivo premente & sti panno tenuiori, si placet, quantumq; ejus status decorum concedit induantur. Itaq; cùm in universum omnibus, tūm v. maxime Sacerdotibus convenit ita sua exornare corpora ut animi semper moderatio cernatur. Proinde in sermone, in incessu, in vestitu Sacerdos munitionem amet, quam & Deus amat, qui olim in sacris omnia munda esse voluit, in victimis, in vasis, in vestibus quoq; Sacerdotum. Multi, testante Baldvino, sorditie sua se se fecerunt contemptos, licet alias donis valerent Ministro dignis. Non enim negari potest, sordes vestium plerumq; notare sordidum animum, sicut vestis levis, leves representat mores, & animi muliebris & effeminati, vestitus muliebris: dissoluti, vestis dissoluta. Vix sibi cobarent: gravis verò & honesti animi signum est (inquit idem) vestis gravis & decora.

Tandem autem ut aliquando longiori, quām ini-tiò putaram, Orationi finem desideratum imponam, quō vos, fragilitatis humanae memores relinquam loco corollarij, Epitaphiolo perpetua meditatione dignissimo Vos Domini Viriq; Reverendi, Clarissimi, Doctissimi atq; humanissimi dimitendos censeo:

Disce homo de tenui constructus pulvere, quā Te
Edidit in lucem conditione Deum:
Mox cinis in cumulo fies, totusq; repente
Quem modò velabas purpura, vēmis eris.

D I X I.

modera
tio ani
mi & cui
tus corpo
ris sem
per con
iungenda

Epilogus
Lecto
rem fra
gilitatis
humanæ
piè admo
nes.



RESIGNATIO SYNODI

Per Eundem Continuata.

Feliciter ahimiq; ex sententia exercitijs hujus synodi, partim piè disputando, partim declamando, partimq; de rebus necessarijs ad rectam ecclesiarum constitutionem pertinentibus consultando, continuatis & absolutis, tempus efflagitare videtur ut hâc horâ actum synodalem concludamus: Itaq; Reverendissime id Christo pater, Præfus sacri hujuscæ cætus vigilissime, Mæcenas, benefactor & patronæ æternum collende. Illustris ac Generose Domine Gustave Gustuvi, Reverendi Domini Præpositi, Clarissimi Domini Capitulares, Clarissimiq; & Doctissimi Domini Magistri & Pastores. Deniq; præsentium, cujuscunq; fuerint eminentiæ, conditionis, faculeatis, ordinis, gradus, aut dignitatis, Viri Dominiq; Consultissimi, Nobilissimi, literatissimi, spectatissimi, humanissimi, amici & fautores mei reverenter & officiè suspiciendi: ne (inquam) hinc discessuri brutis animantibus similes esse videamur, Christianum; imò necessarium est ut grato animo. Pijsq; meditationibus ineffabilia Dei Opt. Max. erga nos beneficia commemoremus: Hic namq; per triduū, lectissimi Auditores, liberum religionis exercitium habuimus: idemq; habemus domi & foris: In scholis & templis nostris, in curijs & tribunalibus, imò in cubiculis

eulis nostris verbum Dei nostri clarum & sonorum in auribus nostris resonat iucundissimè. Por rectum sacramentorum usum gratis gratia Divina, indeq; affatim fluentia bona Nobis prostant largiter. Proh dolor taliter Deus haud fecerat omni nationi, ideoq; à Nobis laudandus in secula.

Deinde, quod prioribus est proximum, Domi clementissimum, sapientissimum & pieissimum habemus Regem, Foris augustissimum fortissimumq; Hæroem. Nemo namq; sincerus existit, aut domi, aut foris Christianus, qui pro vitæ sua felicitate ac diuinitate non precetur. Nemo qui Majestatem suam ut afflictæ Christianitatis unicum post Deum Vindicem ac Defensorem imo peccatore non intueatur. Quare Nemo Nostrum est, qui discrimen causâ Regis nostri Clementissimi, quantumvis gravissimum subire recuset.

Utiq; magie virtute Rex serenissime, provinciā divinitus Tibi traditam, ut cœpisti, felix suscipe. Te ubi nunc & futurus Es pungat stimulus sanctæ ambitionis, virtuteq; precum nostrarum in proposito benè cæpto non desistas antequam nervos & consilia nefanda erudelium hostium infregeris, antequam insidiatores animarum nostram contriveris, ipsumq; adeo Diabolum, fretus Altissimi ope, regno Christiano exueris. Et quod, Auditores lectissimi, voti pijssimi siamus compotes, ad Deum Ter: Optimum, Max: pro orbis Christiani patriæq; nostræ necessitatibus, deniq; Regiæ Maiestatis felicitate & incolumitate fundamus preces, usuri ad

hanc rem usitatâ formulâ in templis precandi: utiq; unanimiter ingemiscentes ita piè mscum dicite:

Misericors Deus, æterne cælestis pater, agimus
Tibi gratias, pro multifarijs in hunc usq; diem
Nobis præstitis beneficijs: præsettum autem quod
satisfactione unigeniti filij tui Nos redemisti: idq;
Mysterij mediante sincera verbi prædicatione pa-
tefecisti, offerendo verâ fide & pœnitentiâ Te sus-
cipientibus, gratiam, justificationem & vitam æter-
nam. Teq; supplices rogamus ut Sanctum tuum
verbum cum recto sacramentorum tuorum usu
contra Hæreticos falsosq; Doctores in hoc exulce-
rato deperditoq; tempore incorruptum servare
digneris. Nominatim ut Nos tuearis à papicola-
rum machinationibus, qui immoderati nostrorum
sangvinis effusione gaudent, nefandaq; tyrannide
ceu lupi rapaces fugientesq; Leones miseros
Christianos dissipant & profligant. Respice cle-
menter, ô Deus, afflicti populi tui calamitatem, ho-
stiū elationē deprime, ne ulterius impiorum lanie-
næ, morsui, prædæ & derisioni expositi, expresse vi-
deamus Te verè pro Sancta Tua ecclesia pugnare.

Deinde supplices Tibi tendimus manus, ut o-
mnes tuos Servos & Ministros, quibus imperij fa-
sces gladiumq; politicum demandasti, protectioni
tuæ commendatos esse velis; Speciatim verò Re-
gem Nostrum Clementissimum, quem Nobis defen-
sioni & tutelæ adeò clementer constitueras: De-
fende illum ab insidijs & periculis tam apertis quam
clandestinis, largire ut de suo & communī patriæ no-
stræ hostiæ fortinam, victorianam et in euenit successum
reportet.

reportet. Forti tuo illum brachio protege in expe-
tione periculorum & insidiarum plenâ, quam regni tu-
endī pacisq; publicæ comparanda causa suscepere atq;
concede ut ipse cum Universo Comitatu salvus & inco-
lumis, adeoq; latæ & exoptatae pacis nunciis ad Nos
in regnum suum redeat. Similiter clementiss. no-
stram Reginam cum Sobole lectiss. divinæ tutelæ
tuæ commendatam cupimus: memor misericordiæ
& bonitatis tuæ, illi largiter benedictione tua adfis.

Senatores Regni & Inferiorem Magistratum con-
serva, eosdemq; spiritus tuus sanctus regat & gubernet,
qui ejusmodi suggerat illis consilia, quæ cedere vale-
ant in divini nominis gloriam & honorem, Regis, Re-
gniq; commodum & emolumentum.. Insuper Exer-
citum Militarem, classem, terras metalliferas, adeoq;
quicquid regimini & subditis sit utilitati, præsidio &
ornamento conserva.. Respice clementer ô Dens,
Pater cœlestis nostræ religionis Consortes, qui aspera &
cruelia quæq; à Pontificijs perpetiuntur: qui misere
bonis quibusq; tam spiritualibus quam corporalibus
spoliantur. Illis feras, quæsumus, paternum auxilium,
quò miseri è favicibus tyrannorum animarumq; nostra-
rum insidiatoribus liberentur.. Averte Domine à No-
bis peccatorum pœnas, utpote famem & pestem, in-
cendia & seditiones, aliaq; ingruentia pericula & insi-
dis. Tristibus & languentibus, ægrotis & iegentibus,
captivis & depresso paternâ adhibe consolationem li-
bera Nos, ô Deus, ab omni malo, Nosq; præsente mortis
horâ, à calamitoso hoc seculô clementer dimisso
in coelum recipe, ubi perpetuas Tibi laudes
grateliq; referre valeamus, A M E N

EPIGRAMMA SACRA

in diem toti Christianismo sacrum videlicet 7. Septemb:
Anni 1631, quo p̄e perorante

Dn. ADOLPHO ELAI TER SERO
Babylon cecidit, & noster Josua in campo Lips: à Ta-
merlane diu exoptatam victoriam reportavit.

I. Presbyteris nigrum præscribis, ADOLPH E, colorem.
Tristis signum, qui color esse solet.
Rex hosti Rubrum tinctumq; cruento colorem.
Tormentis defert, Lipsia testis erit!
Quam sit in bocce vides, tua mens contraria Regi,
Rex laudat Rubrum Tu sed, ADOLPH E, Nigrum.

II. Usus vestitus rectum, pravumq; recenses,
Et Synodum Voto claudis, Adolph e, pio.
Dum pro Rege facis vota exaudiris ADOLPH E
Hostes prostravit, nam Deus hocce Dieo.
Solis ad occasum nobiscum dumq; precaris
Exaudita simul nostra querela fuit.
Tanta p̄ys precipus virtus fuit atq; potestas
Hostes prostrati Regini ut aufugerent.
Ευφρονης χαριν scripsit
GRAIUS HILSIENOBEL Hyperboreus.

I. Quis verus, pravusq; simul vestis siet usus:
Quam pro Rege Deus sollicitandus erit,
Disseris argutè atq; piè. Quid? ADOLPH E diserti
Hæres ingenij es, viva & imago patris.
Ille virum solus DALIAE intractabile vulgus,
Divitijs Svadæ ab continuit quoties!
Perge velut pergis, meriti laudisq; paternæ
Æmulus esse, probo digna propago viro.
Sat mercedis erit tibi Gratia Regis: Hic ultrò
Mæcenas tibi sit, ceu patris ante, precor.
Fautor i suo & amico Ubsai, apposuit.
MATTHIAS MYLONIUS AROSIANUS.

ORATIO
IN
FELIX NOVI
ANNI M. DC. XL.

AUSPICIUM;

Quam,

Deo. Duce atq; Auspice,

In Regia Academia GUSTAVI-
anæ, que Dorpati est ad Embeccā,

4. die Januar. Anno 1640. publicè in Au-
ditorio Majori, pro concione
enarrabat.

PETRUS CAROLI UNDEA-
NIUS, VVestroGothus.

DORPATI, Lit. Acad. Anno M. DC. XL.